

## DOPRINOS RAZVOJU NP UNA KROZ PODRŠKU EU



Informativna višjejezična tabla

Evropska unija je podržala razvoj turizma na području općine Bihać i Nacionalnog parka kroz dva strateški značajna projekta. Riječ je o projektima "Razvoj eko-zone NP Una i obogaćivanje njegove turističke ponude" koji implementiraju PLOD Centar i Općina Bihać, te projektu prekogranične suradnje "Una-izvor života" koji implementiraju PLOD Centar, Općina Bihać i Turistička zajednica Unsko-sanskog kantona u suradnji sa Zadarskom županijom, Općinom Gračac, Javnom ustanovom za upravljanje zaštićenim područjem u Zadarskoj županiji, Razvojnom agencija Zadarske županije – ZADRA, Turističkom zajednicom Zadarske županije i Udrugom „Una“.

Do sada je u sklopu pomenutih projekata realiziran veći dio predviđenih aktivnosti od kojih ističemo najvažnije:

- povećana svijest i izgrađeni kapaciteti lokalnog stanovništva i interesnih grupa u turizmu (260 osoba) unutar Nacionalnog parka Una kroz organizaciju 29 edukativnih radionica ukupne vrijednosti 10.098 eura;
- unaprijeđeni i razvijeni uslužni servisi kroz obuku 13 planinskih vodiča kojima su dodijeljeni certifikati i 10 pripadnika Gorske službe spašavanja ukupne vrijednosti 10.065 eura;
- nabavljena oprema za Gorsku službu spašavanja (čamci, skije, GPRS, konopci, ruksaci, šatori itd.) ukupne vrijednosti 17.500 eura;

### U ovom broju donosimo:

DOPRINOS RAZVOJU NP UNA KROZ PODRŠKU EU .....	1
USPJEŠNO ZAVRŠEN VEĆI DIO INFRASTRUKTURNIH RADOVA U NP UNA I PLANINARSKOM DOMU .....	3
ZAVRŠENI INFRASTRUKTURNI RADOVI NA SLAPOVIMA U MARTIN BRODU.....	4
U TOKU IZRADA STRATEGIJE RAZVOJA TURIZMA U PREKOGRANIČNOM PODRUČJU GORNJEG TOKA RIJEKE UNE .....	5
PRVI KOMPOSTNI TOALETI U NACIONALNOM PARKU UNA.....	6
U IZRADI BROŠURA I WEB STRANICA TURISTIČKE PONUDE PREKOGRANIČNOG PODRUČJA GORNJEG TOKA RIJEKE UNE.....	6
IZGRADNJA SVIJESTI O UVJETIMA RADA I ŽIVOTA U NP UNA .....	7
REKONSTRUKCIJA STAROG GRADA OSTROVICA .....	8



- pripremljena projektna dokumentacija, kreirana i postavljena turistička signalizacija na području Nacionalnog parka Una i table dobrodošlice na širem području Bihaća (4 table dobrodošlice i 50 malih znakova) u ukupnom iznosu od 12.306,50 eura;
- nabavljena oprema za Info pult NP Una u Bihaću i Servis za iznajmljivanje opreme (kancelarijska oprema, 5 rafting čamaca i 25 bicikla sa sigurnosnom opremom) u vrijednosti od 22.693 eura;
- izrađena projektna dokumentacija za izgradnju turističke infrastrukture ukupne vrijednosti 5.000 eura;
- završeni infrastrukturni radovi na rekonstrukciji planinarskog doma na Plješevici u vrijednosti od 12.500 eura;
- izgrađena piknik zona Štrbački buk, a u završnoj fazi je i izgradnja piknik zone Martin Brod u vrijednosti od 24.500 eura;
- obilježene i očišćene planinarske i planinarsko-biciklističke staze (191,5 km staza), te izgrađeni vidikovci na Plješevici, Klekovači i u NP Una (24 vidikovca), ukupne vrijednosti 32.440 eura;
- završeni radovi na izgradnji osmatračnica i kompostnih toaleta na Štrbačkom buku, Klekovači i u Martin Brodu u vrijednosti od 20.300 eura;
- dodijeljeni grantovi za poboljšanje klastera pansionskog smještaja, te izvršena dodjela namještaja i opreme (9 pružatelja usluga turističkog smještaja) u vrijednosti od 25.000 eura;
- završeno ispitivanje tržišta i izrađeni turistički paketi Nacionalnog parka Una, te kreiran marketing plan za promociju turističkih paketa ukupne vrijednosti 4.897 eura;
- obezbijedena projektna dokumentacija i građevinska dozvola za infrastrukturne radove koji se odnose na obnovu sjeverne kule na Ostrovici, kao i dozvola za arheološka istraživanja;
- izvršena rekonstrukcija prilaznih mostova i vidikovca na slapu u Martin Brodu u vrijednosti 13.800 eura;
- izrađene su i postavljene table i turistička informativna signalizacija za područje Nacionalnog parka Una u vrijednosti od 9.250 eura;
- kreirani promotivni materijali ukupne vrijednosti 4.606,75 eura.

U toku su sljedeće aktivnosti:

- izrada zajedničkog strateškog dokumenta za razvoj prekograničnog turizma pod nazivom „Strategija razvoja turizma na prekograničnom području gornjeg toka rijeke Une“ koji će predstavljati strateški okvir za poboljšanje ekonomske situacije u graničnom području;
- izrada brošure i web stranice turističke ponude prekograničnog područja gornjeg toka rijeke Une.

Aktivnosti koje slijede:

- opremanje 2 planinarska doma na Klekovači i Plješevici;
- nabavka opreme za NP Una (GPS uređaji, radio stanice, laptopi, fotoaparati i prsluci za raft čamce)
- dodatni infrastrukturni radovi koji uključuju uređenje prilaznih puteva na piknik zonama
- studijska posjeta novinara iz Hrvatske i BiH svim lokacijama na kojima se implementira projekat „Una-izvor života“
- izrada turističkih mapa, turističkih vodiča-brošura i kataloga koji će sadržavati cjelokupnu turističku ponudu ovog područja i sve ostale relevantne informacije za turiste, te izrada web stranice NP Una.

Implementacijom ovih projekata biće izgrađena i unaprijeđena turistička infrastruktura na lokacijama koje su važne za razvoj turizma na ovom području, unaprijeđen prekogranični turizam s Hrvatskom kroz unaprijeđenu suradnju i koordinaciju aktivnosti sa obje strane granice, ojačani ljudski kapaciteti u sektoru turizma, povećana svijest o uslovima života i rada unutar ili u blizini zaštićenih prirodnih područja, te izgrađen imidž naše zemlje kao eko-avanturističke destinacije.



Obuka za GSS službu

Projekt implementiraju:  
Project implemented by:



Općina Bihać  
Bihac Municipality



Centar za promociju lokalnog razvoja  
Center for promotion of local development



Projekt financira Evropska unija  
This project is funded by the EU

Ova publikacija je urađena uz pomoć Evropske unije. Sadržaj publikacije je isključiva odgovornost Općine Bihać i PLOD Centra i ni u kom slučaju ne predstavlja stanovišta Evropske unije./This publication has been produced with the assistance of the European Union. The contents of this publication is the sole responsibility of Bihac Municipality and PLOD Centre and can in no way be taken to reflect the views of the European Union.

## USPJEŠNO ZAVRŠEN VEĆI DIO INFRASTRUKTURNIH RADOVA U NP UNA I PLANINARSKOM DOMU



*Piknik prostor*

U okviru aktivnosti projekta „Razvoj eko-zone Nacionalni park Una i obogaćivanje njegove turističke ponude“ i prekograničnog projekta „Una-izvor života“ koje financira Evropska unija iz IPA sredstava, a u kojima je PLOD Centar implementator najvećeg broja aktivnosti, predviđeni su radovi na turističkoj infrastrukturi na području cijelog Nacionalnog parka Una koji su u svojoj završnoj fazi izvođenja.

Do sada su završeni slijedeći infrastrukturni radovi:

- izgrađena piknik zona sa 6 malih i 1 centralnom nadstrešnicom na Štrbačkom buku, te osmatračnica i kompostni toalet
- na području Nacionalnog parka Una i njegove bliže okolice markirano je 191,5 km planinarskih i biciklističkih staza na kojima su uređena 24 vidikovca
- na području Martin Broda završena je osmatračnica na lokalitetu Pogledala, kompostni toalet za posjetioce, te je u završnoj fazi izrada 3 velike i 12 malih nadstrešnica



*Piknik prostor Štrbački Buk*

- na slapovima u Martin Broduzšte je renoviran vidikovac na slapu
- obnovljen krov na Planinarskom domu Plješevica, a u blizini Planinarskog doma Klekovača izgrađen je kompostni toalet.

Obzirom da je turizam jedna od strateških grana za razvoj ovog područja, infrastruktura koja se gradi je osnova za daljnji razvoj turističkih destinacija kako Nacionalnog parka Una tako i područja Plješevice i Klekovače, što će doprinijeti obogaćivanju sadržaja za posjetioce i stvaranju preduvjeta za kvalitetniji boravak na ovim jedinstvenim prirodnim lokacijama.

Uz izgradnju infrastrukture kroz projekt su također kreirani turistički paketi NP Una, marketing plan NP Una, a slijedi i kreiranje turističke ponude NP Una i izrada višejezične web stranice za NP Una. Uz to je uspostavljen uslužni servis NP Una, te je nabavljena oprema za JP NP „Una“ kao i za GSS Bihać (Gorska služba spašavanja Bihać).

Projekt implementiraju:  
Project implemented by:



Općina Bihać  
Bihac Municipality



Centar za promociju lokalnog razvoja  
Center for promotion of local development



Projekt financira Evropska unija  
This project is funded by the EU

Ova publikacija je urađena uz pomoć Evropske unije. Sadržaj publikacije je isključiva odgovornost Općine Bihać i PLOD Centra i ni u kom slučaju ne predstavlja stanovišta Evropske unije./This publication has been produced with the assistance of the European Union. The contents of this publication is the sole responsibility of Bihać Municipality and PLOD Centre and can in no way be taken to reflect the views of the European Union.

## ZAVRŠENI INFRASTRUKTURNI RADOVI NA SLAPOVIMA U MARTIN BRODU

Projekat „Una-izvor života“ kojeg financira Evropska unija iz IPA fondova je projekat prekogranične suradnje čiji je cilj razvijanje i promoviranje izvora rijeke Une u Hrvatskoj, te vodopada rijeke Une i Starog grada Ostrovica u Bosni i Hercegovini, kao jedinstvene turističke destinacije i ekonomski prostor kroz prekograničnu suradnju i udruživanje iskustva svih interesnih strana u prekograničnom području gornjeg toka rijeke Une. Projekat implementiraju Općina Bihać, PLOD Centar i Turistička zajednica Unsko-sanskog kantona iz Bosne i Hercegovine zajedno sa partnerima iz Hrvatske- Zadarskom županijom, Općinom Gračac, Zadarskom razvojnom agencijom- ZADRA, Turističkom zajednicom zadarske županije, JU za upravljanje zaštićenim dijelovima prirode Zadarske Županije i Udrugom Una.

U okviru projekta „Una-izvor života“ je 18. decembra 2012.godine u Martin Brodu upriličeno svečano otvorenje rekonstruisanih prilaznih mostova i vidikovca na slapovima.

Prilazne mostove i vidikovac svečano su otvorili načelnik Općine Bihać, mr.sc. Emdžad Galijašević i direktor Javnog poduzeća Nacionalni park Una, Amarildo Mulić. Završetkom ovih radova, slapovi u Martin Brodu su kao jedinstvena prirodna atrakcija prilagođeni za sigurniji prihvat posjetioca i potpuniji



*Prilazni mostovi i vidikovac u Martin Brodu*

Projekt implementiraju:  
Project implemented by:



Općina Bihać  
Bihac Municipality

doživljaj cjelokupnog ambijenta ove veličanstvene lokacije.

Do sada su ovim projektom izrađene i postavljene informativne table na području Martin Broda i Kulen Vakufa o čega je 40 obavijesno-upozoravajućih, a 5 višezječnih informativnih tabli, održane radionice za lokalno stanovništvo, institucije i predstavnike civilnog društava, te su izvršene pripremne radnje za infrastrukturne radove obnove sjeverne kule na Ostrovici. Također je u toku i izrada zajedničkog strateškog dokumenta za razvoj prekograničnog turizma pod nazivom „Strategija razvoja turizma na prekograničnom području gornjeg toka rijeke Une“, koji će predstavljati strateški okvir za poboljšanje ekonomske situacije u prekograničnom području.

U svrhu promocije područja projektom je predviđena izrada web stranice i brošure koje će sadržavati sve relevantne informacije i turističku ponudu ovih područja, te organizacija studijske posjete novinara, turističkih organizacija i turističkih poduzeća iz Hrvatske i Bosne i Hercegovine na lokacije Martin Brod, Ostrovica i izvor rijeke Une.

PLOD Centar u suradnji sa Općinom Bihać uz podršku EU kroz projekte nastavlja doprinositi lokalnom razvoju i promociji turizma, prirodnih, te kulturno-historijskih vrijednosti područja.



*Svečano otvaranje vidikovca u Martin Brodu*



Centar za promociju lokalnog razvoja  
Center for promotion of local development

Ova publikacija je urađena uz pomoć Evropske unije. Sadržaj publikacije je isključiva odgovornost Općine Bihać i PLOD Centra i ni u kom slučaju ne predstavlja stanovišta Evropske unije./This publication has been produced with the assistance of the European Union. The contents of this publication is the sole responsibility of Bihac Municipality and PLOD Centre and can in no way be taken to reflect the views of the European Union.



Projekt financira Evropska unija  
This project is funded by the EU

## U TOKU IZRADA STRATEGIJE RAZVOJA TURIZMA U PREKOGRANIČNOM PODRUČJU GORNJEG TOKA RIJEKE UNE

U okviru aktivnosti prekograničnog projekta „Una-izvor života“ trenutno je u toku izrada „Strategije razvoja turizma u prekograničnom području gornjeg toka rijeke Une“. „Una-izvor života“ je projekt kojeg financira EU sredstvima iz IPA fondova, a implementiraju Općina Bihać, PLOD Centar i Turistička zajednica Unsko-sanskog kantona iz Bosne i Hercegovine zajedno sa Zadarskom županijom, Općinom Gračac, Zadarskom razvojnom agencijom- ZADRA, Turističkom zajednicom zadarske županije, JU za upravljanje zaštićenim dijelovima prirode Zadarske Županije i Udrugom „Una“ kao partnerima iz Hrvatske.

Područja na koja će se bazirati Strategija su izvor rijeke Une u Hrvatskoj, te okolica izvora i područje Nacionalnog parka Una u Bosni i Hercegovini.

Svrha izrade ove strategije je unaprjeđenje promocije turističke destinacije, odnosno da se kroz izradu dugoročnih turističkih strateških ciljeva identificiraju mogućnosti pozicioniranja ovih lokacija na turističkom tržištu, te definiraju smjernice za osiguranje neophodnih resursa. Strategija će sadržavati sve neophodne korake usmjerene ka zajedničkom razvoju turizma s posebnim naglaskom na izvor rijeke Une, slapove rijeke Une u Martin Brodu

i Stari grad Ostrovica, kao dio istog ekološki integriranog i zajedničkog turističkog proizvoda.

Na svakoj od spomenutih partnerskih strana formirana je po jedna radna skupina koja u suradnji sa konsultantima aktivno učestvuje u izradi ovog važnog dokumenta. Na osnovu utvrđene metodologije koja se bazira na učešću što većeg broja korisnika, utvrđuju se smjernice i daju prijedlozi za dalji razvoj turizma u ovom području. Radna skupinu sa BiH strane čine predstavnici Općine Bihać, Ministarstva privrede Unsko-sanskog kantona, Javnog preduzeća Nacionalni Park Una, PLOD Centra, Turističke zajednice Unsko-sanskog kantona, udruženja građana koje djeluje na području Nacionalnog parka Una, predstavnik stanovništva koje živi na području Nacionalnog parka Una, te dva privrednika koja se bave turističkom djelatnošću na području Nacionalnog parka Una.

Strategija će po završetku biti prezentirana lokalnim i regionalnim vlastima sa područja Hrvatske i Bosne i Hercegovine, te će kao dokument moći poslužiti svim relevantnim institucijama prilikom definiranja operativnih i radnih planova.



*Sastanak Radne grupe za izradu Strategije*

Projekt implementiraju:  
Project implemented by:



Općina Bihać  
Bihac Municipality



Centar za promociju lokalnog razvoja  
Center for promotion of local development



Projekt financira Evropska unija  
This project is funded by the EU

Ova publikacija je urađena uz pomoć Evropske unije. Sadržaj publikacije je isključiva odgovornost Općine Bihać i PLOD Centra i ni u kom slučaju ne predstavlja stanovišta Evropske unije./This publication has been produced with the assistance of the European Union. The contents of this publication is the sole responsibility of Bihac Municipality and PLOD Centre and can in no way be taken to reflect the views of the European Union.

## PRVI KOMPOSTNI TOALETI U NACIONALNOM PARKU UNA

U okviru aktivnosti projekta „Razvoj eko-zone Nacionalni park Una i obogaćivanje njegove turističke ponude“ kojeg financira Evropska unija iz IPA sredstava, a implementiraju Općina Bihać i PLOD Centar, završena je većina radova na turističkoj infrastrukturi na području Nacionalnog parka Una i okolice predviđenih ovim projektom.

Kao dio turističke infrastrukture koja je osnova za daljnji razvoj turističkih destinacija i preduvjet za kvalitetniji boravak posjetioca u zaštićenom području, izgrađena su i dva kompostna toaleta na lokacijama piknik zona Martin Brod i Štrbački buk. Kompostni toaleti su izrađeni od ekološki prihvatljivih materijala sa prirodnim sistemima ventilacije, te posebnim sistemom razdvajanja otpadnih tvari koje se nakon procesa kompostiranja mogu upotrebljavati kao humus ili prirodno gnojivo za biljke. Ovo je infrastruktura koja se odgovorno odnosi prema okolišu i prirodi i sve je zastupljenija

u svijetu, a naročito u zaštićenim područjima kao što su parkovi prirode i nacionalni parkovi.

Obzirom da je održivo upravljanje područjem jedno je od osnovnih odrednica Nacionalnog parka Una, infrastrukturnim objektima ovog tipa će se pridavati sve veća pažnja. Osim toga, prioritet Nacionalnog parka Una je zaštita i očuvanje biodiverziteta, pa se sa ovakvim načinom tretiranja otpada ispunjava i ovaj cilj, a naročito na lokacijama koje će biti izložene većem prilivu posjetioca.



*Kompostni toalet u NP Una*

## U IZRADI BROŠURA I WEB STRANICA TURISTIČKE PONUDE PREKOGRANIČNOG PODRUČJA GORNJEG TOKA RIJEKE UNE

U okviru prekograničnog projekta „Una-izvor života“ u toku je izrada brošure koja će sadržavati turističku ponudu prekograničnog područja gornjeg toka rijeke Une. Brošura će osim na lokalnom, biti štampana na engleskom, francuskom, talijanskom i njemačkom jeziku, a u njoj će se moći naći informacije o sljedećim turističkim destinacijama: izvoru rijeke Une u Hrvatskoj, slapovima rijeke Une u Martin Brodu i Starom gradu Ostrovici. Pored spomenutih ključnih turističkih destinacija biće navedene i prirodne atrakcije u njihovoj blizini, te smještajni kapaciteti i gastro ponuda svakog pojedinačnog područja sa fotografijama.

Pored brošure koja je u svojoj završnoj fazi, u izradi je višejezična web stranica koja će, kao i brošura, promovirati gore pomenuta područja. Web stranica će biti uvezana sa web stranicama i portalima svih ključnih učesnika u razvoju i promociji turističke ponude gornjeg toka rijeke Une.

Brošura i web stranica će po završetku biti prezentirani turističkim djelatnicima i novinarima iz Hrvatske i Bosne i Hercegovine, a sama brošura će biti dostupna u turističkim agencijama, te na svim mjestima gdje se vrši promocija turističkih destinacija u regiji.

Projekt implementiraju:  
Project implemented by:



Općina Bihać  
Bihac Municipality



Centar za promociju lokalnog razvoja  
Center for promotion of local development



Projekt financira Evropska unija  
This project is funded by the EU

Ova publikacija je urađena uz pomoć Evropske unije. Sadržaj publikacije je isključivo odgovornost Općine Bihać i PLOD Centra i ni u kom slučaju ne predstavlja stanovišta Evropske unije./This publication has been produced with the assistance of the European Union. The contents of this publication is the sole responsibility of Bihac Municipality and PLOD Centre and can in no way be taken to reflect the views of the European Union.

## IZGRADNJA SVIJESTI O UVJETIMA RADA I ŽIVOTA U NP UNA



*Radionica*

U okviru projekta „Una-izvor života“, koji financira Evropska unija iz IPA sredstava, je 11. i 12. decembra 2012. godine u Bijaću održana radionica pod nazivom „Uvjeti rada i života u Nacionalnom parku Una“, koju je organizirao PLOD Centar na kojoj je prisustvovalo 20 učesnika.

Radionica je bila namijenjena predstavnicima institucija, poduzećima koja se bave turističkim djelatnostima na području Nacionalnog parka Una, udruženjima, te lokalnoj zajednici. Svrha radionice bila je upoznati učesnike sa zakonskom regulativom

i Zakonima relevantnim za djelatnosti koje se provode na području Nacionalnog parka Una, te ukazati na potrebu usklađivanja interesa svih interesnih skupina u cjelinu koja predstavlja razvoj mikro ponude za lokalne dionike u turizmu uz uključene u makro ponudu regionalnih dionika u turizmu.

Voditeljica radionice je bila gđica. Emina Pašić, stručnjak za pravnu regulativu u oblasti razvoja turizma i malog poduzetništva.

Do sada su kroz projekt „Una-izvor života“ izrađene i postavljene informativne table na području Martin Broda i Kulen Vakufa, rekonstruisani prilazni mostovi i vidikovac u Martin Brodu, te su izvršene pripremne radnje za infrastrukturne radove za obnovu sjeverne kule na Starom gradu Ostrovici. U toku je i izrada zajedničkog strateškog dokumenta za razvoj prekograničnog turizma pod nazivom „Strategija razvoja turizma na prekograničnom području gornjeg toka rijeke Une“ koji će predstavljati strateški okvir za poboljšanje ekonomske situacije u prekograničnom području.



*Radionica Uvjeti rada i života u NP Una*

Projekt implementiraju:  
Project implemented by:



Općina Bijać  
Bihac Municipality



Centar za promociju lokalnog razvoja  
Center for promotion of local development



Projekt financira Evropska unija  
This project is funded by the EU

Ova publikacija je urađena uz pomoć Evropske unije. Sadržaj publikacije je isključiva odgovornost Općine Bijać i PLOD Centra i ni u kom slučaju ne predstavlja stanovišta Evropske unije./This publication has been produced with the assistance of the European Union. The contents of this publication is the sole responsibility of Bihac Municipality and PLOD Centre and can in no way be taken to reflect the views of the European Union.

## REKONSTRUKCIJA STAROG GRADA OSTROVICA



*Stari grad Ostrovica*

U sklopu aktivnosti projekta „Una-izvor života“, krajem januara 2013. godine biće objavljen javni poziv za arheološka istraživanja i radove na sjevernoj kuli Starog grada Ostrovica lociranoj iznad Kulen Vakufa.

Projekat „Una-izvor života“ kojeg financira Evropska unija iz IPA fondova je projekt prekogranične suradnje čiji je cilj razvijanje i promoviranje izvora rijeke Une u Hrvatskoj, te vodopada rijeke Une i Starog grada Ostrovica u Bosni i Hercegovini, kao jedinstvene turističke destinacije i ekonomski prostor kroz prekograničnu suradnju i udruživanje iskustva svih interesnih strana u prekograničnom području gornjeg toka rijeke Une. Projekat implementiraju Općina Bihać, PLOD Centar i Turistička zajednica Unsko-sanskog kantona iz Bosne i Hercegovine zajedno sa partnerima iz Hrvatske- Zadarskom županijom, Općinom Gračac, Zadarskom razvojnom agencijom- ZADARA, Turističkom zajednicom zadarske županije, JU za upravljanje zaštićenim dijelovima prirode Zadarske Županije i Udrugom „Una“.

Stari grad Ostrovica je iznimno vrijedna kulturno-historijska građevina koja je ujedno i Nacionalni spomenik Bosne i Hercegovine, te je

postupak prikupljanja dokumentacije za rekonstrukciju bio dugotrajan i veoma kompleksan. Općina Bihać i PLOD Centar su uz pomoć Zavoda za zaštitu spomenika Unsko-sanskog kantona uspješno priveli ovaj postupak kraju, te će se nakon izbora najboljeg ponuđača za izvođenje arheoloških radova i rekonstrukciju sjeverne kule Starog grada Ostrovica pristupiti izvođenju radova, koji će biti vršeni pod nadzorom specijaliste za rekonstrukcije i restauracije kulturno-historijskih spomenika.

Postupci rekonstrukcije, sanacije i restauracije kulturno-historijskih spomenika su dugotrajni i zahtijevaju velika finansijska sredstva, te je zbog toga ova aktivnost od iznimne važnosti ne samo za stanovnike i posjetioce Nacionalnog parka Una, već za cjelokupnu zajednicu. Rekonstrukcijom će se omogućiti očuvanje kulture i historijskog naslijeđa ovog kraja, te osigurati da se ta ostavština predstavi svim zainteresiranim posjetiteljima.

Ovo će biti jedinstvena turistička destinacija Nacionalnog parka Una, koji, usprkos tome što obiluje ostacima historijskih građevina, nije u mogućnosti da iste stavi u funkciju turizma zbog lošeg stanja u kojem se one nalaze.

Projekt implementiraju:  
Project implemented by:



Općina Bihać  
Bihac Municipality



Centar za promociju lokalnog razvoja  
Center for promotion of local development



Projekt financira Evropska unija  
This project is funded by the EU

Ova publikacija je urađena uz pomoć Evropske unije. Sadržaj publikacije je isključivo odgovornost Općine Bihać i PLOD Centra i ni u kom slučaju ne predstavlja stanovišta Evropske unije./This publication has been produced with the assistance of the European Union. The contents of this publication is the sole responsibility of Bihac Municipality and PLOD Centre and can in no way be taken to reflect the views of the European Union.